

Cuosts da sanaziun d'ovras electricas

Da las tractativas da la regenza grischuna

■ (cc) La regenza grischuna ha prendi enconuschientscha dal quint final dal project per ils gieus olimpics d'enviern 2022. Plinavant ha ella deliberà contribuziuns – tranter auter per la protecziun da la lingia da viafier d'Arosa cunter crudada da crappa.

La regenza grischuna ha prendi enconuschientscha dal quint final da l'uniun «XXIV. Gieus olimpics d'enviern Grischun 2022». Tenor il quint final èn resultads – sco gia enconuschent – custs en l' autezza da circa 5,1 milliuns francs dals partenaris participads al project. Tenor la garanzia da survegnir contribuziuns che la regenza grischuna aveva dà sto il chantun Grischun surpigliar ina part da maximalmain in sisavel, quai che correspunda ad 855 537 francs. Ils auters custs vegnan pajads dals partenaris, pia da la confederaziun e da Swiss Olympic (mintgamai $\frac{2}{6}$), sco er da las vischnancas da San Murzellan e da Tavau (ensemèn $\frac{1}{6}$).

Sanaziuns d'ovras electricas: Verifitgar la calculaziun dals custs

L'intent da las disposiziuns da la lescha federala davart la protecziun da las auas che concernan la renaturalisaziun da las auas è tranter auter quel da reducir las consequenzas negativas per las auas currentas che derivan da l'utilisaziun da la forza idraulica. Possessurs d'ovras idrau-



Possessurs d'ovras idraulicas che ston far sanaziuns e renaturalisaziuns duain vegnir indemnissads per ils custs imputabels.

MAD

licas che ston far lavurs da sanaziun survegnan indemnissads ils custs cumplains imputabels. Ina nova ordinaziun federala regla ils detagls per calcular ils custs da mesiras manaschialas. Perquai che la finanziaziun da la sanaziun da las ovas idraulicas è d'impurtanza centrala per ils chantuns alpins han ils chantuns ch'èn s'associads en la Conferenza da las regenzas dals chantuns alpins (CRCA) – als quals appartegna er il Grischun – decidì d'inoltrar ina posiziun cuminaivla tar il sboz da l'ordinaziun. La regenza grischu-

na sustegna cumplainamain la posiziun da la CRCA. En quella vegn tranter auter dumandà da verifitgar cun quints da model sche la calculaziun dals custs imputabels per mesiras manaschialas saja realisabla. Pir sin basa da talas calculaziuns da model possian vegnir giuditgadas las consequenzas da l'ordinaziun. Plinavant duai la confederaziun metter a disposiziun als chantuns meds d'agid per ina calculaziun unitara e per in giudicament en connex cun la finanziaziun da mesiras.